

Akureyri, 20. febrúar 2002

Sæll Þorvarður

Við undirritaðar Sara D. Pétursd., Sesselja L. Magnúsd. og Vilborg Sveinbjörnsd. erum 4. árs nemendur í hjúkrunarfræði við heilbrigðisdeild Háskólans á Akureyri. Sem lokaverkefni okkar ætlum við að kanna reynslu nýútskrifaðra hjúkrunarfræðinga af því að vinna á slysa- og bráðamóttöku.

Tilgangur rannsóknarinnar er að kanna hver reynsla nýútskrifaðra hjúkrunarfræðinga er af því að starfa á slysa- og bráðamóttöku. Með þessari rannsókn vonast rannsakendur til að fá fram bæði jákvæða og neikvæða upplifun af starfi nýútskrifaðra hjúkrunarfræðinga. Þannig má koma með tillögur að bættri aðlögun og stuðningi við þá í starfi. Einnig teljum við að rannsóknin gefi hjúkrunarfræðingum framtíðarinnar fyllri mynd af starfsvettvangi viðkomandi deilda.

Rannsókn okkar byggir á eigindlegri aðferðafræði sem dýpka á skilning á ákveðinni mannlegrum reynslu, þ.e auka skilning á mismunandi reynsluheimi fólks. Viðtölin munu af öllum líkindum taka 45-60 mínútur og munu rannsakendur styðjast við hálf-opnar spurningar. Viðtölin verða tekin upp á segulband, síðan vélrituð orðrétt. Af því loknu eru þau lesin vandlega yfir af rannsakendum og ákveðin þemu greind. Þegar rannsókn lýkur verður segulbandsspólum eytt sem og skriflegri vinnslu viðtalanna.

Þáttakendur rannsóknarinnar eru starfandi hjúkrunarfræðingar á FSA og á Háskólasjúkrahúsi Landspítalans við Hringbraut og í Fossvogi.

Okkur leikur forvitni á að vita hvort okkur beri skylda til þess að sækja um leyfi til Vísindasiðanefndar?

Ef einhverjar athugasemdir eru eða eitthvað er óljóst þá vinsamlegast hafðu samband við einhverja af okkur eða leiðbeinanda okkar, Hildigunni Svavarsdóttur, lektor við Háskólann á Akureyri.

Með fyrirfram þökk fyrir góðar viðtökur

Sara Dögg Pétursdóttir Hs: 461-3103/ Gsm: 696-0555 h9722@unak.is

Sesselja Lind Magnúsdóttir Hs: 462-1325/ Gsm: 849-1027 h9945@unak.is

Vilborg Sveinbjörnsdóttir Hs: 462-7344/ Gsm: 696-7344 h9725@unak.is

Hildigunnur Svavarsdóttir, lektor vs: 4630925 hs@unak.is